

"Setiap kali air pasang besar dan serentak dengan hujan, biasanya banjir kilat akan berlaku di sekitar daerah ini"
Hamid Abu Bakar



HARIAN METRO

FOTO: MOHD KHIDIR ZAKARIA

■ 12 rumah tenggelam sehingga 0.5 meter

■ Kereta terbabas dalam longkang tetapi pemandu selamat

Mohd Khidir Zakaria
am@hmetro.com.my

Port Dickson

Fenomena air pasang selain hujan lebat sejak awal pagi menyebabkan beberapa kawasan serta 12 rumah dinaiki air sehingga 0.5 meter di Taman Negeri, Lukut, di sini, semalam.

Kedadaan itu mengakibatkan beberapa jalan utama di

Hujan + air pasang

ANGGOTA polis melihat sebuah kereta yang terbabas dalam longkang akibat banjir kilat di Jalan Seremban-Port Dickson.



Lukut dan Jalan Pantai Mas mengalami kesesakan teruk sepanjang tiga kilometer.

Malah, sebuah kereta Proton Wira turut terbabas dalam longkang dipenuhi

air sedalam hampir dua meter dipercayai cuba mengelak banjir.

Namun, mangsa hanya cedera ringan dan dibawa ke Hospital Port Dickson untuk rawatan.

Ketua Operasi Balai Bom-

ba Dan Penyelamat Port Dickson Ahmad Izam berkata, pihaknya menerima panggilan kecemasan pada jam 5.54 pagi lalu bergegas ke lokasi.

"Sebaik tiba, kita dapati 12 rumah dinaiki air sedalam 0.2 meter namun keadaan kembali pulih walaupun hujan berlaku. Ini kemungkinan disebabkan air pasang besar serentak dengan hujan awal pagi tadi (semalam).

"Namun, keadaan itu tidak membahayakan dan kembali pulih seperti sediakala. Cuma air naik mendadak ketika hujan lebat hingga meresahkan penduduk sekitar," katanya.

Sementara itu pengguna jalan raya, Hamid Abu Bakar, 48, berkata, orang ramai kerap menggunakan jalan lama Seremban-Port Dickson sudah biasa dengan banjir kilat.

"Setiap kali air pasang besar dan serentak dengan hujan, biasanya banjir kilat akan berlaku di sekitar daerah ini.

"Pagi tadi (semalam) saya dan beberapa pengguna jalan raya menghadapi kesesakan di jalan itu. Saya minta pihak berkenaan memperbesarkan longkang bagi mengatasi masalah banjir kilat," katanya.



Kedadaan itu tidak membahayakan dan kembali pulih seperti sediakala. Cuma air naik mendadak ketika hujan lebat hingga meresahkan penduduk sekitar"

Ahmad Izam

KEADAAN banjir kilat di Jalan Seremban-Port Dickson berhampiran Taman Negeri, Lukut, Port Dickson.